

Edificio Monumental na Zoutmanstraat ta celebra su 100 aniversario

CU un sonrisa grandi riba su cara, Minister di Integracion, Infraestructura y Medio Ambiente, sr. Benny Sevinger, a ricibi for di man di ir. J. Croes, di Croes Architecture Studio N.V, y sra. Yvonne Webb-Kock, director di Oficina di Monumento, un cuadro di e edificio monumental di Zoutmanstraat 1.

E regalo a bin den cuadro di celebracion di 100 aniversario di e

edificio monumental aki.

Historia ta conta cu e prome piedra a wordo poni riba 10 di september 1910, construccion a sigui y a finalisa den aña 1911. E edificio aki ta un monumento proteha. Den cuadro di e programa di Gobierno "Bo Aruba" atencion ta wordo duna pa restaura e monumentonan di Aruba, y esun di Zoutmanstraat 1 ta un di e monumentonan cu lo

wordo restaura, formando parti di e manera aki di e proyecto grandi di Centro Historico.

Minister Benny Sevinger a ricibi e Arquitecto di e proyecto, ir. J. Croes di Croes Architecture Studio N.V y sra. Yvonne Webb-Kock, Director di Monumentenbureau. Den un combersacion ameno cu e dos expertonan y Minister Benny Sevinger, a intercambia informacion di e proyecto aki

entre otro, su caracteristicanan y beyeza.

E arquitecto Croes ta preparando bou guia di Monumentenbureau tur e mapanan pa por bay un destaho publico den algun siman p'e restauracion por cuminsa e aña'ki ainda.

E destino di e edificio lo bira un "Tienda di Artesano". Den e edificio aki e artesanonan por traha su arte y un y tur por cumpra e arte original traha na Aruba. E obranan lo wordo certifica cu un seyo.

